

詒安堂二集

詒安堂二集卷五

蘭言室集上

上海王慶黝叔彝著

買屋樣溪頗饒爽
塲屋後新篁匝地老樹參天小鳥閒
花都無俗態時于此閒驅遣筆墨興正不淺中雖雜以
行役諸作然於耳目所經似不爲孤負也

湖墅放舟

鸞鍵雲光四面圍
輕颿緩送客程歸
檣桅轉處山爭出
風雨來時樹欲飛
流水有情聲絡繹
馴鷗無語夢依稀
推蓬且自收詩景
幾點疏林挂夕暉

柳灣寄隱圖爲朱棣廣題

海國多風雨
湖天足水雲
閒情溫鶴夢
勝地結鷗羣
山向

檐前起村從樹外分此間真樂隱休誦北山文

縹緲峯前路曾經卸客裝晴篩楊柳碧涼暈藕花香友許
招皮陸書堪讀老莊披圖棖觸我瓜印未能忘

壬寅秋余曾至柳灣

連市舟夜

市喧聲漸近來泊岸邊舟雲淨天如洗湖寬水不流月籠
山影靜烟潑露華浮久息妖髡毒冬青尙帶愁

含山

兩日不見山忽訝一峯立塢影穿層雲曉露猶含濕松栢
鬱蒼蒼中有入烟集峯勢雖不多居然翠堪挹一帆橋外
來直向巖腰入

南潯曉發

櫺枝撥破水紋圓。鷺醒連江估客眠。山色漸濃春雨後，市聲遙集曉雲邊。陰陰桑柘疑無路，渺渺烟波別有天。行到樓臺重叠處，清風明月兩相聯。清風明月俱橋名

皇甫二愚丈留飲於葉港老屋卽席成句

梅花探遍孤山麓，更訪袁安高卧屋。扁舟掉入白雲中，尙有香風出林木。主翁嗜酒與我同，告我牀頭酒初熟。酒人好，向隔鄰邀隊隊。酒兵事徵逐，鯨吞吸盡酒如澠。一飲直須傾百斛，青蓮學士本酒星。撫掌大笑詩滿腹，麻姑仙人有酒田。年年麴蘖如蔬菽，一醉不知暑屢移。猶乞酒泉作湯沐，杭州酒痕襟上多角巾。又被酒新漉，蹴破蒼苔笑出門。羣鳥催歸滿翠竹。

震澤夜泊

挂出青天月纖纖玉一鉤
我來湖上泊如在鏡中遊
燈影閃吳塔書香環御樓
霜華浮水面高枕不驚鷗

梅堰

曉色蒼茫外山光礪碧天
閒雲如疊絮芳草漸成烟
客路雞聲裏征帆雁影邊
梅花零落盡孤負笛音圓

八冊道中

港口喧宵市魚蝦入饌鮮
紡車鳴夜月桑柘裹村烟
隔岸帆相接終宵客不眠
推篷看水色清影到樽前

鷺湖曲

三篙春水濃于油一片春雲淡不收
多少春光在雲水暖

烟衝破木蘭舟微風蕩漾感細縠片帆搖曳波光柔綠
兩岸擁如畫呼羣飛出沙中鷗元真天隨俱不見只留遺
蹟名千秋闌干十二絢紅碧鈎起春心樓上頭

松陵道中

羣帆繞郭來多謝東風送湖光自動搖虹影隨波控一亭
踞長隄似補柳陰空浩蕩蔚藍天春色無邊負閒雲不可
招隱隱雷聲圓柔櫓逐鷗來漁舟出橋洞遙數太湖中青
山黯如夢緬懷白石仙何處簫聲弄

題張嘯峯廣文藕花香裏填詞圖

何止青山管半生幽懷堪與白鷗盟好教詞苑留佳話添
箇蓮花博士名

贈徐碧珊刺史 瀛

塵心勘破且斟杯，猶記當年諭蜀回。
籌筆別留經世稿，牧民曾展濟時才。
身從鳥道橫穿過，山向蠶叢飽看來。
早把循良酬夙志，至今三峽頌春臺。

絕域歸來髯未華

丈曾至西藏

文章政事各成家，酒懷慷慨橫

滄海。詩格分明接浣花，萬里宦情消菽水。
十年清興託烟

霞，扁舟遊遍江南北。一路春風擁客槎

時將有淮海之游

寄酬錢掄仙編修

原名福元，易名振倫。

君是人中鳳，吾慙海上鷗。雲泥何碍判膠漆，自相投車馬

三年息

時丁內難

關河一劍秋，眼中班定遠，容易到封侯。

回首三秋別，相思直到今。他鄉一分手，何日再談心。酒殘

錦愁淺梅花釀夢深魚箋空寄遠難忘是苔岑

題沈藕耘丈照

座繞青雲竹牀排綠綺琴誰將芳草意寫出美人心

樊綺江表兄

大齡

將有遼陽之遊以東山觀海圖屬

題爲賦長句卽送其行

足跡不出戶眞與醺雞伍平生未歷山海奇只道去天才
尺五壯歲遊踪合數君元龍意氣本超羣片帆劃到遼海
月一鞭揮破朝鮮雲竭來又挂滄溟席丹青寫入登山展
醉中索我酒邊詩豪情直奪魚龍魄天風浩浩天雞鳴金
烏躍出扶桑明鳳笛鸞笙傳隱隱神仙彷彿紛相迎神仙
縹緲奇如此勝向虛空求海市眼界從茲更豁開異境何

難收片紙我醉題詩笑不休探奇何日共君遊
竟思攜手飛騰去俯瞰雄濤把筆投

夏夜坐詒安堂

挑燈枯坐學忘機涼夕虛堂過客稀
屋外潮通羣蛤吠檐前雨歇一螢飛
閒招新月穿松逕爽愛輕風逗葛衣
靜裏細參心自妙不妨終日掩雙扉

舟次

喬于橋邊路端陽節後夫雲頭猶裹
雨水氣欲蒸煙稻葉關心長榴花照
眼鮮鹿城山一角青滿去來船

題李榕繁丈詩稿

天富清才筆一枝割分邱錦又絲絲
酸鹹自得中和味哀

樂都成絕妙詞白眼憑人常玩世青山作伴儘吟詩何難
別剝風騷局那數微之與牧之

夏口讀書槎溪作

苦厭城市喧樸被來江村臨溪數間屋修竹圍當門此間
地雖僻古處偏能敦十室九誦讀道義風猶存幽居信堪
卜差足娛晨昏

鼠姑開欲殘梅雨亦將過清晝抵年長文字排日課下筆
未能神萬卷幾時破埋頭故紙堆未許炎威挫忽然薰風
來紅藕香滿座肯戀北窗涼枕書聊靜卧

君子尚實功虛聲定何益咄咄殷浩浩書歸事無一策孰具
幹濟才空詔談經席霖雨慰蒼生端資在平昔韶光赴壑

蛇寸陰眞足惜

秋夜寄雷韞峯

對

倪松甫

士恩

兩孝廉

小作經年別離愁一樣深雁聲酸月色蟲語識秋心短劍

豐城氣長途席帽吟求名原不易海內幾知音

聞已南還

爲愛蟾輝淨終宵不閉關看雲蒸白絮飛夢繞青山我欲移舟訪君應倚棹還五茸城外路十畝自閑閑

東家聽翁

連朝細雨釀秋陰總爲相思瘦不禁南浦又添分袂恨西風無限倚樓心逃名仙佛緣非易混跡漁樵意自深媿我槎溪成獨樂難分清福與知音

槎溪消夏

除却閒吟外真教一事無詩沿長慶派家住輞川圖事業
慚名士生涯羨釣徒槐花黃不了秋思引江湖

閒居

放達何嫌嗜老莊閒中滋味共誰嘗前村樹色紅於畫隔
巷苔痕綠過牆招得客來同賭酒每當人靜獨焚香襟懷
肯愛浮名累射鵰看魚趣自長

將赴省試適夢吉雲都中書賦此却寄

挂帆又向石頭城一片離懷入雁聲我輩縱能忘富貴世
途偏奈重科名山中猿鶴難禁笑江上鳬鷗未許盟多謝
音書勞問訊祇愁功尙欠丹成

京口晚眺

炎篷連日畏秋陽難得清
颼忽送涼海月欲生雲
歛白江潮未落水掀黃
詩懷感慨三分業兵氣
銷沉百戰場剩有蕭蕭
蘆荻影替催秋思十分忙

龍潭舟次

長江直接海無邊雪浪分飛欲到天
作客情懷如往日阻風滋味又今年
任將胆鍊波濤境且借詩償筆墨緣
莫更倚橋吹鐵笛空驚波底蟄龍眠

同徐子謙李伯英季平弟遊棲霞山

梵宇嵌峯腰鐘聲繞山足策蹇入雲來
青螺盤曲曲暗谷聚風聲危巒阻遙矚
幾峯高插天一亭收萬綠遊人姓氏多
鐫刻滿青玉松鼠恣飛騰幽禽鳴斷續
信步覓仙踪到

此忘炎毒。啜茗過禪房。老僧亦殊俗。可奈夕陽沉。衆鳥催歸促。

渡江

千櫓絡繹挂帆行。空濶雲天一望平。水勢白吞京口渡。山光青接秣陵城。輝輝夕照明鴉背。瑟瑟秋懷入雁聲。勞動江神風助送。可能滕閣倖留名。

廨中同伯英季平夜話

舊友心常念新詩。手自評秋燈涼有味。寒月淡無情。壯志橫千里。浮名誤半生。讀書爲何事。得失那須爭。

城北道中同約軒作

西風吹散芰荷香。山氣遙分水氣涼。新漲頓開鷗世界。舊

遊重問鶴家鄉薄雲歸去飄微雨小艇齊來弄夕陽攜得一壺春茗好船唇同坐話家常

琴隱閣贈湯雨生都督

貽汾

隨園池館半荒煙誰把風流繼昔年林壑重開名士逕溪山又值鴈公賢詩書畫並稱三絕歸去來常寫幾篇最是
一門風雅聚修來清福幾人全

秦淮北去板橋東種竹栽花地數弓只許雲烟爲供養猶從翰畧識英雄春秋喜結青山社裙屐紛來白髮翁

謂錢海溪

諸先生

門外嵐光闌入座全家都在畫圖中

雨生先生以孤笠圖屬題蓋痛其亡友周保緒

濟教

授作也

吳楚蒼茫裏伊人不可尋江湖殘舊夢生死見知音白髮
三生感黃墟萬古心不堪斜照外孤影入疏林

秦淮水榭

南部煙花曲最工丁簾如舊唱玲瓏彈來錦瑟千行淚舞
通霓裳一院風紅蕖舊邊秋似夢碧闌干外水浮空六朝
遺恨從何弔都在輕煙淡月中

柬傅星槎

夢

酒興詩懷兩未工客居容易感飛鴻絕無聊賴芭蕉雨最
動閒情茉莉風欲問起居青鳥便分明消息錦鱗通何當
水閣鄰桃葉禁得吹簫聽小紅

秦淮水榭戲題

一道紅牆隔綠楊何妨竿木且逢場人嫌薄倖庸非福夢
繞溫柔誰有鄉牢束心同蕉葉捲哭抽劍斬藕絲長總因
誤煞高唐賦雲雨何曾擾楚襄

欲遊揚州不果寄蘇種白丈

士棠

相見猶遲一面緣順風吹過渡江船一千里外心偏急
時平患病故廿四橋邊月正圓著述久傳名世業文章難奪
季急欲歸試官權推篷受盡青山笑詩債何時始盡填

夜泊龍潭

潮聲撼枕山撼風江月窺人穿入篷紛紛兩岸舞蘆雪歸
人高卧蒹葭中多少舟從秣陵出檣燈倒揭波心密那有
文星入夢來且聽江干鳴蟋蟀

丹陽

樹樹抱秋色峯峯銜夕陽煙橫莎岸迴風透葛衣涼鶚待
凌霄健鷗應笑客忙驛樓臨水淡懷古意蒼茫

中秋舟次寄子良京師

一樣中秋月天涯幾度過風塵知己少湖海酒人多詩夢

懸迢遞秋心入嘯歌曹

吉王竹
雲侯

堪鼎足雲路莫蹉跎

寄吉雲

一路嵐光送客行離懷容易逐秋生文章恐負三條燭詩
句難消萬種情城外潮來魚有信雲邊風定雁無聲勞勞
徒受青山笑豈有微名夾袋盛

年年空買秣陵舟此筆何時竟許投敢爲屠龍來澤國枉

思騎鶴上揚州重尋鐵甕城邊路遍寫金山頂上秋自笑
才華原譴陋無端偏愛賦登樓

梁溪同伯英作

夕陽不放柁樓晴轉惹封姨阻客程伏櫪自難誇駿骨
讀書何屑艷時名約來紅友真無賴看到青山最有情
多謝天公連日雨殷勤留我聽泉聲

同允之昆仲遊廢園

當年曾識主人翁臺榭荒涼轉瞬中芳草有情隨地綠
夕陽無賴過牆紅枯池水小齊栽稻老樹陰濃尙嘯風
叢菊自開籬落下柴門猶認板橋東

甲辰鍾子良登賢書詩以寄賀

居豈長安易衣緇幾許塵一竿初進步八載已勞薪吉夢

符元旦嘉名信夙因孫陽今果遇從此躍騏驎

子良原名臣弼因元

旦得一佳夢
遂改名夙

寶劍無終闕春雷忽動礮路纔通黑漆才豈愧青雲冀北

爭馳譽江東久冠軍定知行篋底收拾送窮文

視席追陪日翩翩各少年自分南浦袂頻念朔風天旅食

眞無負歸期莫再愆杏花紅入手望眼我先穿

瑁璫

未肯輕投筆徒勞屢獻書拖腸終是鼠燒尾果何魚公論
文章在英年意氣虛生涯須早決莫再負居諸

敢怨儒冠誤男兒劇可憐看人穿鐵硯累婦卜金錢力瘁

蠅鑽紙途迷馬著鞭笑奴真解事報泊孝廉船

時錢少鶴適見過

答賈雲階丈

不信科名注斗星書燈竟借佛燈青神仙豈識金銀氣性理偏參道德經欲令鬼神回劫數妄思位業到眞靈竈何須媚天難禱禍福無門託杳冥

題皇甫孝子像

有序

孝子姓皇甫字紫洞名

蘇州府震澤縣人康熙

初父以賈入蜀卧疾旅舍寄書至家孝子年方弱冠萬里尋親迨至川中父已病卒孝子扶柩歸葬時值三藩之變戈馬縱橫艱苦萬狀歷十二年始得抵里其遺像爲孝子族裔二愚所藏持以屬題謹賦五古

四章用志敬仰

棧雲高無極蜀道如青天客子胡爲者履險來西川風雨
撲其面泥淖濺其肩懷惶繞磨礪予何人憐思親一掬
淚灑遍岷江邊

老親不得見肝腸裂寸寸罔極痛終天生死天難問何事
蒼蒼者一面始終斬馳驅萬里來臯魚有餘恨年年紅杜
鵑血淚風泉噴

戈甲滿天地白骨無人收斯翁幸有子遺櫬歸故邱間關
十二年兒命輕如漚倘非神人護奈此烽烟稠

心有鬼神知志敵弓刀勁吳下多名賢後先相輝映當時
黃謂黃孝與馮常熱勉曾太史其父卒於閩告請迎葬時
子向堅吳耿尚三逆未靖麻衣履險得以返櫬當

時緒有進聞海內欽孝行先生鼎足三皆克完至性不獨
十險圖紀事家乘榮足爲間里慶瞻拜古鬚眉長令人起敬

又題皇甫孝子詩後

層巒疊嶂白雲封踏破蠶叢路萬重聽到哀猿啼徹處淚
珠還比露珠濃

馬背船唇十二年干戈隊裡一身全英雄至性才人筆埽
盡尋常翰墨緣

與內子小飲

樹影分秋入畫屏一樽且共試芳馨婦知藏酒尤風雅婢
解聽詩亦性靈細數更籌剛月上偶談家事屢杯停年來
少此清閑境轉悔勞勞役我形

東季平弟

窮達由來注命宮何須瑯琊感西風炎涼儘許呼風漢得
失空教惱塞翁偏有劉蕡開口笑競傳張敞畫眉工東墅
薦而

不

卯君寄語休惆悵儘把愁城仗酒攻

寄薇洲弟

離羣容易感孤檠滴碎愁心怕雨聲謀及錢刀徒骯髒學
無根抵枉聰明題橋姑抱相如願飲酒何虧靖節名終讓
吾家摩詰好閉門消受佛香清

同張綺石金淡翁甘允之昆仲飲於七佛閣

連朝風雨冷檀槽樽酒移來一破慳黃菊自尋秋士約白
雲長共老僧閒久將綺夢消金屋倘許清遊比玉山笑我

年來疏嬾甚六時半在酒杯間

舟入青龍港飯於吉雲寺

瓜皮艇子客難勝划入秋波鏡樣澄紫蟹肥時爭下斲紅
菱采後尙圍繩絕無酒買真難遣畧有潮來喜可乘信是
青山如太古清閒只讓兩三僧

舟行望九峯

破曉挂帆行如入羊腸逕屈曲翠煙中鼠影渾無定晴曦
上林端羣峯睡如醒眉痕歛欲舒鏡俯寒潭瑩西風颯然
來何處一聲磬倚篷發長嘯響若村村應

卽目同綺翁作

風約雲歸岫山招客過橋嵐光晴欲展林葉濕難飄樹偃

波心健天撐岸腹遙扁舟都繫纜要待泖湖潮

客中答楊小瀛

滿地江湖一櫂通勞人真媿信天翁登樓容易悲王粲
客誰真似孔融豪氣未除書要讀愁城雖固酒能攻文章
何預乾坤事多少英雄誤此中

曾記談詩到夜分別來消息半傳聞田無一稜休誇富胸
具千秋自不羣易惹世人看白眼空將心事屬青雲昌黎
曾有書三上莫恥相如但賣文

忍笑書生氣味酸壯心消盡劍光寒詩堪度日揮毫易命
與爭衡處世難不信才人偏落魄願隨常例且加餐風塵
抱病誰知己萬事還須放眼看

燈下同內子靜坐

漏點聲聲促光篩月一簾燭花寒不落風色夜還添靜趣
耽幃闥勞心算米鹽課兒功自切母教豈傷嚴

生日自嘲

何事思將筆硯焚本無仙骨許凌雲頻年落拓耽詩酒往
日交遊憶紀羣松菊愛隨彭澤隱聲名敢與杜陵分側身
天地原超曠況已風波靖海氛

寄和楊小瀛

出門意計豈全非落拓無妨與俗違詩筆怒含秋氣健鄉
心懶逐暮雲歸形骸何礙餐蛙瘦品格原難篆鶴肥酒國
生涯應似舊可能解得幾愁圍

贈友

愁絲縮遍九迴腸醉裏容身亦可傷胸有千秋難免傲目
無餘子不嫌狂登樓慣易悲王粲彈鋏空煩憶孟嘗作客
年年成底事祇憐贏得富詩囊

同季平弟夜飲

細酌蘭陵酒更闌典未闌雨催燈影暗風戰柝聲寒心事
千秋寄花香一室團撫琴誰與共且對子由彈

青龍禪院贈品涵上人

竹友梅兄儘結盟禪關真似玉壺清客和古佛各無語我
與老僧同此情江水長年流不竭海雲多事滅還生閒來
袖得新詩稿好替蓮花座上呈

浣雲室卽事感作

鳳管鸞笙細細吹歡場偏覺漏聲遲英雄結習愁難免兒
女柔情愧未知買醉且填金粉債關心總覺蝶蜂癡憑誰
笑把香毫染寫出風流杜牧之

甲辰除夕

又結殘碁局風光轉眼新爆聲催臘去酒殘共詩陳筆墨
猶餘債梅花已入春年年慙守歲守不住勞身

乙巳元旦試筆

乍被春風拂面時梅花也似喜孜孜燒餘昨夜窗前燭題
到今年卷首詩唾手功名良不易著書歲月未爲遲巡檐
鵲語催偏急可有人來共一卮

題鄭香岑洗硯圖

陡訝烏龍起濃雲冒水噴雙睛涵漲活餘瀋瀉池昏久仗
磨礪力還叨拂拭思此田宜灌溉休比洗桐論

贈郭東臯

夢祥

領得山林趣味長半生何礙種花忙寓言詩愛吟溫李放
眼書還愛老莊儘負胸中經世畧爭傳海上活人方鳳毛
更爲超宗羨添箇佳兒翰墨塲

同郭東翁小飲有作

春寒襲衣袖風力勁黃昏虛約客同醉

翁不善飲

憑將詩細論

漏沉頽畫燭月冷戀柴門佳句還爭賭頻呵凍墨痕

輓陳雪舫

竟因瘡痍死命途酷可知性情何礙古藥石已嫌遲劫悟

棋干局

善奔

愁淘酒一卮倘非楊得意門戶孰爲持

謂秋巖姑丈

匆匆歸故里扶病過新年欲立雖無地空呵壁問天漫憂

兒尙小猶幸友能憐

謂甘允之峻若諸昆仲

回憶生平事難禁涕泗

連

趙二川子蔭招同蘇子研小飲

忍被花枝笑同將酒約尋春寒偏刺骨家釀最關心簾隱
燈痕瘦窻涵雨氣深醉鄉原廣濶那許俗氛侵

同顧雲楣丈郭福田妹倩及諸兄弟飲

脫畧無煩掃逕迎何妨雄辯各縱橫酒懷豪欲飛三雅詩
筆堅於鍊兩京客思頻添連夕雨月光先卜詰朝晴當筵

別有知心感好向梅花共訂盟

輓徐新齋少府

何事殘年尙出門
匆匆春夢了無痕
名塲陡作千秋訣
詩價虛煩一卷存
兵燹往時傷歷劫
天涯何處覓歸魂
誰知鵬賦偏成讖
清淚難禁濕酒樽

題程又愚槎水歸帆圖

齊魯茫茫未了青

丈久客山左

曾經滄海快揚舲
烟波署作溪

頭長誰識江南老客星

三槎風俗最清淳
我亦浮家愛卜鄰

近亦構屋於槎東

他日竹林

同把臂

謂令姪序伯茂才

可容呼作素心人

寄懷程野樵

南

精神聞說老猶強辛苦編蒲兩髩霜至貴不關天子爵高
吟早陟古人堂一家言就香爭奉幾輩才煩尺細量杜甫
若非嚴武識謂湯雨生都督英雄徒自泣文章

白門秋色幾回看轉愧匆匆未識韓大筆別垂青史外美
人疑在碧雲端水飢雪枕才誰匹桐帽棕鞋興未闌何日
刺船風雪裏清樽容我共盤桓

題春水丈蓬萊瑤草卷

有情天上種靈根移植憑叨雨露恩領畧美人香草意坐
綃還欸楚臣魂

地接蓬萊與藥珠

丈嘗居小蓬萊後移住藥珠官

不妨佳境儘鈎摹分明

墨灑湘江水灌出瑤池第幾株

一叢草掩一叢花春色平分處士家省識詩人珍重意東風長與護靈芽

著意栽培九畹春任將仙果証前因世間荃蕙知多少肯訂同心有幾人

潤迹牆陰信可哀品題從此出瑤臺孤芳寄語休惆悵自有知音到草萊

三臺體詩題洗硯圖

蕩碎琉璃影浮來翰墨香莫嗤勤板濯忍聽垢污藏

百首新詩李白一枝彩筆江郎潑出胸中錦繡煥成水面文章

割取端溪一片雲墨花攙入浪花紋休嫌拂拭心何切湯

沐原宜錫此君

同東墅楚槎允之昆仲飲後感成

酒胆撐雲破詩懷濯水清偶隨芳草去還趁夕陽行文字
眞無益江湖各有名閒看田野樂悔未學躬耕

題金耐人茂才梅溪鋤月圖

今夕是何夕月華鋪地白招得逋仙魂重結孤山宅
春影團何處先生掌握中夜來如有夢妬煞趙師雄

題友人照卽送之山左

萬里關山一葉舟無邊岱色豁吟眸詩囊括盡煙波景奇
句還從嶽頂收

題傅春墅左右修竹圖

交情獨與此君深勝把簣簪妙趣尋出土便無塵俗想干
霄仍有水雲心不從嶰谷求知已會向柯亭遇賞晉佳士
果然瀟灑甚替人何止滌煩襟

輓張綺石丈

苦憶河梁別音書悵杳然維摩閒示疾丁令蕩成仙才負
冲天翼書窮釋地篇

精于地輿

數聲鄰笛起愁檢篋中箋

結納原無僞心情但率眞勝遊誇得句終歲慨依人婚嫁
生前累雲烟夢裏身新阡初定卜香火感前因

家大人倩覓葬地時

前審定

贈子冶丈

養閒何媿北山文畫理詩懷總軼羣清福偏將名世享虛

心要與此君分好從金石搜遺事爲誌方輿証舊聞一枕
松風憑領畧任他塵俗擾紛紛

初夏書懷

好事關心處天涯幾友生歸巢思旅燕

時子良有南旋之信

出谷喜

新鶯

吉雲新入翰林

漸覺襟懷適重憐節候更葛衣猶未試老樹

已蟬聲

繹齋子橋舟夜

林黑疑無路扁舟觸浪回淚多憐短燭酒劣畏深杯新月
排雲出殘鐘渡水來今宵詩夢健飛過釣魚臺

浦上賦雨

天公大筆揮淋漓未肯止但誇倒海才不顧人駭死

松塘舟次

此間潮不到水色藻清連柳絮顛如醉桃花嫩可憐入聲
喧渡外帆影落橋邊陣陣東風暖春光滿眼前

題孫次公

補

始有廬詩後卽東子秋淫茂才

陳言掃盡出新裁生面知從澗派開早有聲名在蓮社空
留心事屬蘭臺江湖浩蕩誰知己花月周旋也費才更憶
鸞鷺湖上客酒船幾度載詩來

南園消夏卽席呈金侍香丈

好從結夏訂延秋此地居然丈八溝冒雨新荷爭出水撐
天老樹直遮樓劇憐華表空歸鶴

謂梅岑丈

同倚闌干羨浴鷗

卽此已成仙世界賽他秉燭說宵遊

次公過訪喜成一律卽用見贈原韻

門外鷗波濶偏煩繫短橈酒懷憑我擴詩興被君撩歲月

青燈了功名白髮消涪翁何跌宕壇坫許揚鑣

謂黃霽
青山長

有贈

不讓桃枝與柳枝空煩紅豆惹相思情絲儘繡鴛鴦譜香
管曾題豆蔻詩歡喜因緣天亦妬別離消息夢能知春來
自有傷懷處恐勝當年杜牧之

答蔣海珊員外

堂

久已雕蟲媿壯夫頻年落拓感江湖頭銜各喜如冰樣心
迹還期貯玉壺舊約偏愁虛五嶽雄才應許敵三都比隣
勝似盟車笠猶記垂竿學釣無

詒安堂二集卷六

蘭言室集下

上海王慶黝叔彝著

書袁簡齋先生小倉山房詩後

天誕奇才必非偶經濟文章何不有但將餘事誇詩人此
筆已堪稱不朽先生清福亞神仙腹笥便便齊俯首獨於
詩句崇性靈唐宋何心細分割化工腕底隱盤旋自是天
資居八九至今生氣盈行間朗誦渾如新脫口同時蔣趙
峙騷壇一樣聲名高北斗先生才大無不包畢竟兩公猶
退後譬如泰岱與匡廬靈秀都推鍾毓厚若還持論高卑
間氣象難將成見徯祇惜先生詣太超令人徒自矜窺牖
遜公才力摹公詩翻覺東施形益醜先生知此應嘖然不

意諸君課學某高閣何如束我來免教株累倉山叟

寄呈朱甲三師

不愧文章伯聲名日下崇威儀麟鳳比懷抱鷺鷥同酒任
斟重碧詩憑賦軟紅待看舟楫用羣仰濟川功

魯殿靈光峙門牆戀舊遊青春偏易逝黃卷竟難酬身感
浮雲境心懸立雪秋九峯蒼似昔歸夢可勾留

寄呈郁彙齋師

先生儒雅宗文苑恣搜討力能挽時趨世競比鴻寶

手選時藝

風行海內少年帆登科致身非不早甫栽滿縣花薦迺林泉老

不屑長官稱願將小子造經師兼人師絳帳胥傾倒鯁生
韞纔材愧負青眼好詩心逐雲飛擬化書帶草

題次公詩舸圖

鴛鴦湖畔精英羅珠光劍氣時盪摩天公別開詩世界誰

堤布鼓雷門過竹垞老去籜翁逝山谷壇坫尊嚴阿

謂黃

先提倡風雅闡詩教匪獨文字榮巍科于

秋嚴松楊小岳

三餘悉佳士就中莘老尤不磨情深恥作兒女態心閒喜誦

滄浪歌偶掉扁舟江上去詞人相識盈關河瓣香自奉天

隨子嘯傲還同張志和名韁利鎖悉脫畧但將清夢縈烟

蘿吁嗟乎春水船如天上坐

成句

消閒任把新詩哦茫茫塵

海險無外此中轉覺無風波儘容穩放中流去別享人間

安樂窩

• 題蘇種白丈

壽榆

遺詩後

一面綠慳亦可悲，但將蹤迹付相思。綠楊城郭還如畫，腸

斷漁洋七字詩。

文客死
邢江

徹夜高吟不肯眠，美人香草意纏綿。轉嫌筆墨多情甚，補
到閨房五色天。

不學香山愛放翁，任他初白振宗風。芬芳悱惻移人處，此

事終須讓太鴻。

丈論近時詩人
以厲樊榭爲最

朗吟挑遍一燈青，字字都能寫性靈。我比侯芭真有愧，未
曾親到子雲亭。

立秋前三日東東墅

門掩蕭蕭竹，亭環柄柄荷。雲端殘雨過，城外晚涼多。野性
耽魚鳥，秋心寄薜蘿。江湖閒極目，詩思入漁歌。

招海珊員外侍香東墅兩明經朱友三上舍暨季平

泉孫兩弟南園小飲

綠陰如水浸樓臺花裏紅窗面面開
攜酒喜逢佳客至招涼同約故人來
幾分秋思因風起一縷詩心仗雨催
笑我頻年眞落拓醉鄉深處慣掄才

紫玉泓硯歌爲張松泉濤賦

破碎湖山天水碧零落宣和舊圖籍
荆棘難尋艮嶽峯銅駝猶剩端溪石
傳到人間七百年玉泓未肯化荒煙
秋波亭外雲如夢銘語仍留硯背鐫
張旭能書精鑒識摩挲忽向風塵得
當年聲價等連城此日古香生翰墨
班管新裁記一篇細將原委溯前賢
居然大雅扶輪手好把風流溯

米顛吁嗟乎紅羊劫大摧殘酷偏有奇珍遺海曲莫問曇
華舊日巷斜陽愁唱玲瓏玉

豫園中有石名玲瓏玉相傳爲宣和間物

甘允之昆仲招同王賓叔

家亮

張東墅范楚槎小飲

一九明月護松扉剛值新涼透葛衣我亦喜爲河朔飲誰
眞能息漢陰機漫將豪傑論成敗懶覓神仙問是非名利
中間籌出處生涯終竟讓漁磯

訪梅屬題梅妃曉妝圖

樓東一賦愴前因忍妬癡緣學太眞草草梳妝原也好謫
居猶是受恩身

輓陸松泉

海甯人客死申江

無端玉樹萎青春幾訝蒼蒼太不仁秋雨未歸江上櫂海

雲如寄夢中身世無廬偏多奇病室有妻孥累老親莫怪
西河揮淚苦眼前誰不惜斯人

侯小山副戎 攀鳳 招飲卽席同仁伯兄作

柳營夜靜令如山偶借金樽略破顏萬里秋風沉鼓角一
城明月夢刀環伏波姓氏標銅柱定遠勲名滿玉關醉倚
吳鉤發長嘯百蠻無事且偷閒

喜子良歸自京師

光陰彈指十年增笑我才仍百不能容易江湖消綠鬢最
難滋味捨青燈堂前親喜同無恙客裏詩多得未曾莫訝
傾樽談興劇依然豪氣尙飛騰

者番團聚又江城重築詩壇放酒兵往日風波猶惺夢故

山猿鶴忍忘情勞人草草眞孤注小劫匆匆付一枰剩有
肝腸還似昔一雙寶劍記分明

同張春塘家榮丈泖口晚泊

偏憐秋景畫難成涼意都從樹底生魚挾驚潮趨歇浦雁
呼歸夢到葦城一江月色分山影四野風花變水聲絮語
不知天近曉朝曦已自射蓬明

舟次同陳依泉夜話有感

凝向風塵覓賞音柯亭誰識爨餘琴早知世態如雲薄易
說交情比水深閑戶徒存著書念爲花費盡惜春心故園
叢菊應開未正好持螯細細吟

乍浦

清流織如絲直到城根止青山俯而窺尤令客驚喜循步
魚鱗塘奇偉更莫比奔潮駕海來長風先振耳一波未曾
平一波又掀起猛浪撲堤高去人才尺咫倘無九龍障難
保海內徒餘波滙作潭厯厯帆檣艤萬國效梯航豈獨魚
鹽美惜未靖海氛鯨波涵莫擬坐令鮫人宮亦愁蕭索死
何況笳吹哀鳴嗚嗚猶如此

望澈浦

只隔塘坳水滄溟萬里開青山攔海住白浪嚙城來船舶
鮫人市旌旂大將臺狼煙今已息笳鼓尙餘哀

新行道中

十幅蒲帆穩千章樹色濃山腰斜日抱村尾斷雲封秋在

高樓笛風吹古寺鐘今宵詩夢健投筆駭蛟龍

洙涇

小港潮初到西風捲夕波荻蘆依水盡雁鷺入秋多山解
窺窗待花還拂櫓過况逢明月好恍似鏡新磨

舟次閔行

楓葉紅千樹蘆花白一洲水雲遙岸合風月滿江秋潮信
寒偏縮嵐光淨益邁宵長無箇事支枕聽吳謳

同郁泰峯

松年

張偉瞻兩丈甘允之峻巖飲於棣花

書屋木樨花下

秋氣颯然至清風扇古香滿庭散黃雪屐齒都含芳晴光
展檐隙不覺羅衣涼舉杯向天笑明月如弓張連年事奔

走今夕還故鄉莫令嫦娥晒徒灑金粟忙

過春水草堂夜話

舊酒痕猶漬滿襟挑鐙重與話冰心
廁身枉作侯門客放眼漫歌梁父吟
閱歷方知交道苦炎涼早悟世情深
名疆利鎖真堪晒回首塵勞感不禁

同金淡翁飲

明月如窺醉黃花尙傲霜偏教醫國手
不解療貧方世事隨雲幻襟懷爲酒忙
功名原爾爾最僞是文章

寄子良

文字因緣結最深河梁回首感難禁
浮榮何與書中趣媚俗羞爲爨下音
紅葉休題名士筆黃金難買美人心
十年

離別真無益海上成連底處尋

與陳倚泉朱子瑛夜話

豈皆經濟屬文章井底窺天亦可傷
鹵莽無如多趙括功名何礙老馮唐
目空今古終嫌窄腹少詩書轉易狂
片刻榮枯誰足據須將冷眼看完場

舟次寒甚

昨日晴光真挾纈今朝寒氣欲凝山
蓬窗忽憶前人句爭在西風一夜間
寶山朱濤吉以爭在西風一夜間句得詩名

舟泊山居

孤舟乘着晚潮來聞道前村已放梅
寒到十分花亦避偏尋未見一枝開

橫山訪張小石

保護

布帆無恙飭雲飛獵獵西風刺客衣遙指山光圍柳岸分
來嵐影卽松扉張華博物名長在王粲依人計總非容我
高談傾四座工夫難到是忘機

和張雨香丈

南珍舟次阻冰韻

夢隨帆影逐申江爭奈歸程客共艘風勁無如潮亦畏愁
多未必酒能降關心月已過三五促膝人還載一雙且借
詩懷消夜永勝他高枕聽吳腔

新坊

維舟問前渡遙指野人門冰阻一帆路雲圍千樹村疾風
尖有力斜日淡無痕不礙敝裘冷圍爐火自溫

舟次看冰

西風威逐凝雲消，金烏躍出輝層霄。
頓挂蒲帆隨浪去，晴煙暖覆波迢迢。
須臾風勢轉銳勁，層冰如倒山嵯峨。
珠零玉破渾不惜，紛紛衝激穿船腰。
聲儼震耳目，欲眩長年一見心。
胆搖我獨中流擊楫喜，居然放眼皆瓊瑤。
嗟此豈徒肺腑淨，玻璃世界真逍遙。
一句詩成一瓢酒，狂歌直壓魚龍驕。

和雨翁周浦泊舟韻

一幅荒江畫新詩，與寫成稽留天。
有意慰藉客多情，呵凍爭題句敲冰。
算去程故園梅放未，須訂歲寒盟。

莎涇丙舍侍家大人作

三尺籬笆四尺牆，新栽繞屋木千章。他時得遂煙霞願，還擬臨流築草堂。

枷板村村樂歲豐，田家景物類幽風。居鄉原比居城好，依舊羲皇以上同。

夜至槎溪

打冰聲不斷，來作古槎遊。笑我頭銜冷，甘乘雪夜舟。早梅春有信，斗酒婦能謀。任肆西風虐，還堪禦敝裘。

小除夕舟次示子璫

可許冰心貯玉壺，偏教今夕尙江湖。韻因過險詩幾廢，寒到難禁夢亦無。幕府文章高庾信，謂朱蒙泉梅花消息憶林逋。

少年敢作登樓賦，漫說同心有釣徒。

乙巳除夕同季平弟作

今夕是何夕歸人才到家一樽殘臘味幾樹隔年花平準
書原好封侯願亦奢莫孤雙鬢綠努力副春華

舟夜同友入作

薄靄浮天杪漁燈出水隈潮聲攬月上人語趁風來寒慄
梅梢信春團柏葉醅心期談不盡蓬底燭花催

穀日同甘峻巖旦雲昆仲舟次白鶴江

煙波飄渺一帆輕醉酌梅花記舊盟佳節又教逢穀日故
人空自弔蓉城謂令兄夔齋且將酒盞酬懷抱賴有詩筒寫性

情試向天涯談結納幾人肝胆肯全傾

趙元卿僚聲招飲

客隨明月共相尋茗椀冰壺細細斟話別忽逢新舊雨

有湖西之遊

聯牀差慰弟兄心

謂峻巖昆仲

春光浩蕩詩情遠花氣

微茫酒味深同有壯懷消未得醉餘容易發狂吟

青浦放舟偶作

晴曦借暖入樓臺山色遙分翠幾堆一片波光無限綠去年曾記打冰來

元宵舟中坐雨

淫雲如墨壓輕橈斷雨零風太寂寥斜倚疏篷拈凍筆不知今夕是元宵

上元節後夜泊當湖

塔影橫穿月一湖扁舟疑已入冰壺天邊風色猜難定海

上山痕隱欲無柏葉獨澆今夕酒梅花自寫早春圖思攜
鐵笛船頭弄還恐蛟龍胆氣麤

海鹽舟次

搖入桑林路湖光鏡樣明塔凌滄海濶城與遠山平地僻
花無賴風柔柳有情觀魚得閒趣况值野鷗迎

夜泊通園鎮

樹根才繫纜新月已遙橫酒有蘭陵味歌聽水調聲西風
難解凍春色喜逢晴領取山林意田園不世情

過郭店追悼蘇子慎

溪流曲曲一村斜門隱橋南第幾家滿鴈寒雲春未轉吟
魂猶恐戀梅花

不信人琴頓渺茫。思往事，總神傷。九原不作，天難問，何處
草無端，綠到廊。

斜日荒荒，不似春暈花何處。證前因，白楊淒絕，堤邊路轉，
爲尋芳，哭故人。

過安瀾園

亭榭猶如昨，柴門久不關。松陰撐滿院，雨意欲沉山。蜂蝶
弱難耐，藤蘿蒼可攀。老梅花着未香，在有無間。

白馬寺訪六舟青雨兩上人

舊雨逢支遁，新知訪遠公。寺藏紅樹外，磬落白雲中。蓮社
三生契，松陰一徑通。殘碑尋不竭，墨海陋飛鴻。

上人工書畫精鑒別

觀潮行

罡風一吹浪花黑晴天忽變琉璃色滾滾銀山竟倒奔分
明噫氣乾坤塞橫海渾疑大帥來旌旂閃爍滄溟開十萬
軍聲疾捲至直將搶過姑蘇臺始疑匹練天邊落又如海
若驅鯨鱗潛蛟怒舞大魚飛萬怪擁隨龍出躍大地茫茫
悉動搖巨靈如挾泰山超豈眞水勢分文武吳道子畫衰
有文武水
旺原隨氣長消奔濤直挾塘恨入岸上千人萬人立屏息
都從高處看餘威猶撲衣襟溼潮頭高欲凌蒼穹漲沙橫
亘聲隆隆一波未平一波起勢疑直搗馮夷宮前胥後種
日再怒三千不憚錢王弩平吞吳越不爲難全仗金隄作
砥柱塔頂斜陽紅上遲日邊幅幅布帆馳乘風破浪心加
壯願借枚生筆一枝

鎮海塔 一名占鼇

何時策六鼇寄此凌雲志吾愛最高層看潮日一至

與子研夜話

忍信封侯數果奇模山範水感時時筆難殺賊投何用事
待求人識已癡豪氣未除權縱酒名心猶亘且吟詩無端
孤負烟波處剩有閒鷗約畧知

舟中柬杏翁

澆徧愁腸酒百杯離懷還被榜人催詩書本與謀生左憂
患眞從識字來名士幾人容得意風塵何處說憐才烏紗
那及青山福野鶴閒猿莫浪猜

臨平道中作

嵐氣冷斜照市聲藏白雲柳攬梅入畫泉與水平分橋窄
險於棧山低類似墳渡頭橫釣艇清興狎鷗羣

重到西湖

一片湖光玉鏡開春風重展好樓臺自憐野性耽疏懶偏
爲梅花雨度來

葛嶺

仙家留恨事踈踈半閒堂赤舄真慚愧宋史謂朝廷以丹

爐亦渺茫空憐風月好惟剩柏松香作相昇天業徒堪弔

夕陽

登保俶塔

亭亭高踞萬烟鬟帶海襟江一望間只有潮聲欄不住隨

風飛過鳳凰山

湖樓卽目

樹色多難辨，泉流直到門。
晴波喧畫舫，斜日淡禪林。
香入遊人夢，詩生靜者心。
遙尋開士宅，指點碧雲深。

靈隱

石磴依松入，琳宮倚壁開。
泉聲分罅瀉，嵐氣鬱空來。
尚訝妖髯列，謂楊髯象憑將幻境猜。
老猿呼不出，疑在白雲堆。

韜光同李伯英

僧住翠微中，人來綠雲裏。
竹粉欲沾衣，泉聲驚盈耳。
山似屏風圍，羣峯低壓水。
樹石互迴環，各含微妙理。
金蓮開滿池，爭欲冒水起。
香火擁此間，佛亦心歡喜。
同行得李源，來

証三生旨

逢蘇祖期

故人適相值懷抱一時開如訂梅花約同傾竹葉杯湖山
常入夢桃柳亦憐才好其連牀話詩情各賭來

湖上卽事

東風又是早春天依舊梅香似往年白社新開坡老宅時

林諸名士結詩

綠波重放米家船萬株楊柳攔斜日四面

社於蘇公祠

峯巒疊暮烟聞道月湖遊更好水晶宮裏盼詩仙

度郎當嶺至天竺

石磴紆迴斷復連籃輿盤出萬松巔寺門橫截雲邊路竹
篁分承石隙泉白筍肥時僧飯客碧天晴極樹生烟憑教

領畧閒中趣始信塵寰別有天

湖上卽景

滿湖春水潑東風尙有餘寒戰碧空
松影濃撐雲外綠夕陽高挂塔尖紅
嫩圍楊柳尤堪愛香鬱梅花便不同
閒向白蘇隄上望分明身在畫圖中

晤周菊人廣文

達

自稱短簿祠前客身寄孤山處士家

時寓孤山鶴亭左亦銜如

冰樣冷只應同約看梅花

同張言揚李伯英蘇子研湖樓小酌

羣峯窺客俯窗前到此眞如集衆仙
蝦菜自佳堪入饌萍蓬相合亦須緣
閒心煞愛春如海醉眼難分水與天
我似

山容青不改詩情敢說勝當年

湖樓卽目示陳依泉

四圍嵐翠澹如秋爭擁湖光綠上樓不放鶯花隄外去永
將風月檻前收何時來結三間屋此處能消萬古愁莫笑
閒懷猶未足探奇還想大龍湫

時依泉有
雁宕之遊

口占

春來纔幾日草色已懷新紅友真知己青山似故人誰爲
漆園吏本是葛天民忍負溪山樂勞薪感慨頻

湖上柬周菊人廣文

拚將十日伴烟蘿賃得湖樓寄嘯歌探勝各矜腰脚健讀
詩偏愛性靈多尙嫌花被餘寒勒且喜天因得雨和佳興

羨君眞不淺，柳峯烟景較如何。

君華亭人

東陸上翁

筆困愁城太覺忙，乾坤放眼感茫茫。
風波過後方知險，世事嘗來不敢狂。
誰向窮途憐阮籍，却嫌詩體變冬郎。
奇才位置原非易，空谷無人草自芳。

王莊

綠水橫孤艇，青山鬱晚霞。
一村茅結屋，兩岸柳排衙。
雲擁前朝寺，春歸野老家。
垂垂梅幾樹，江上自橫斜。

石門道中

詩夢如鷗穩，春心共鳥閒。
桑林難覓路，城影半遮山。
細雨響蓬背，寒風酸枕間。
檐聲鳴欵乃，幽興未闌珊。

詒安堂二集

卷六

古

魏塘

帆影挂空碧，櫓枝穿破雲。潮平魚合隊，風急鴨呼羣。把袂聯今雨，謂伯英昆仲停舟訪舊聞。鶯花排滿眼，酒興爲詩分。

謁黃霽青先生奉呈一律

書城坐擁小諸侯，聲價還應抗選樓。揮手功名傾一輩，等身著述許千秋。閒情何礙題紅葉，樂事真堪換白頭。結得水雲深處屋，攜竿憑上釣魚舟。

題息耕堂壁

枳籬曲曲費經營，老樹扶疏更有情。一選香風添畫意，半林鳥語碎春聲。花間題曲詞尤艷，竹裏安牀夢亦清。檻外澄波明似鏡，可容我也結鷗盟。

西港夜泊

到此萬緣寂潮聲也覺閒江空惟貯月烟重不分山勝跡
挑燈記新詩擁被刪幽懷正清絕鄉夢有無間

歸家自嘲

明望湖邊一段春偏慚容得此閒身苦吟詩似追逋客再
到山如見故人門外潮來雲影悄樹頭風靜月光勻終嫌
孤負鶯花甚幾度描摹豈盡真

懷仲博山

天豈英雄負艱難正玉成文章憑白眼饑溺繫蒼生骨任
風霜鍊名休世俗爭儒林共循吏總冀凜虛聲

和伯英湖樓卽事

別將詩境此間開
天把鶯花餉妙才
溪漲和泉爭澗出
江雲閣雨過潮來
山容乍醒春三月
客夢重溫酒一杯
同覺襟懷瀟灑甚
不煩鷗鷺更相猜

樹桑圖爲皇甫二愚丈題

又聽聲聲社鼓忙
沿村剛賽馬頭娘
達人生計無他羨
只慕成都八百桑

經綸先重禦饑寒
十畝閒閒意自安
護得清陰牆下滿
還應留待子孫看

柳陰垂釣圖爲皇甫萍香題

綠楊低蘸一溪烟
魚國鷗家別有天
領畧濠梁真趣味
夢魂還被水雲牽

頓塘春水快揚舲我亦曾經作客星
可惜不來閒試釣買他無數亂峯青

答甘峻巖旦雲昆仲

世情空唱定風波轉綠回黃感若何
冷眼且看雲變幻熱腸權耐酒消磨
浮生太覺匆匆甚怪事難禁咄咄多
敢薄雕蟲真小技英雄強半困詩魔

溪上書懷

酒地花天一夢過空教惆悵百年歌
東風有意憐紅豆南浦無端惱綠波
世味更輸雞肋淺愁懷還比繭絲多
幾時攘得烟雲福也刺扁舟伴綠蓑

陶彭澤小像爲友人屬題

如此人纔五斗米先生應悔折腰遲
柴桑卽係桃源境莫笑當年是託辭

醉鄉深處儘勾留高在詩中不寫愁
修到菊花真有幸東籬名亦占千秋

和東墅感懷

澆愁須用酒忍令燭花孤筆墨難完債
烟雲不待租熱腸偏覺易冷眼未嘗無世事
原成例何煩擊唾壺

卽事有感

榮枯彈指判升沉俗見何分古與今
精衛空留填海恨嫺皇徒抱補天心
每逢良夜偏無月豈有閒雲竟作霖
讀遍史公豪俠傳但從紙上遇知音

校勘計介周文遺詩感題一律

半生踪跡負雲烟猶幸虛名剩一編縱使雄才翰李杜早
將勁氣壓幽燕布衣傳世原容易筆札依人亦可憐此日
殺青憑草草姑教心事慰重泉

書陶氏義莊志後爲吳門陶古香丈題

昔賢有義訓敬宗與收族由我一本推親疎判昭穆上溯
自高曾孰非親骨肉飲水不知源夫豈家之福在昔范文
正九族先敦睦一篇義莊記允堪厚風俗吳中多富民陶
氏誼尤篤創自順治年百畝富方穀子孫相繼增義舉力
漸足規矩本范莊條例爽眉目至今世守之不敢稍貽辱
椒衍與瓜綿子弟皆邦族科甲蔚雲祲操券可預卜哲嗣

多賢能擗裨貽我讀意美法更良令我容爲肅因念及吾
宗頓覺心愧惡憶昔先大父孝友標芳躋時時蓄此心所
惜力猶薄遺言尙在耳何日有餘粟行當踐此言免令雙
眉蹙滿墨留此詩勉哉爾自勗

次聽翁自嘲韻

卅年踪迹濫癡癡要想詩傳下筆難大抵功名無意得何
妨世態息心看空羣那有孫陽顧落魄誰憐范叔寒輸與
山居清福好閒來眠到日三竿

讀史有感

幾人果解善刀藏萬事徒憐付渺茫草野自留真氣節朝
延何補僞文章讀書豈爲求名計處世偏無辟穀方千古

英雄如一轍忍將雙眼昧評量